

dictam, in qua tot & tantæ fiunt in mundo permutationes; ita quidem in mundo humano vis mentalis per intellectum influxus suos facit in regionem ætheream, in qua est vis vitæ, cuius denique influentiis spiritus aereus, vndique per corpus & alueos sanguineos dispersis, regitur atque gubernatur, ad vitæ humanae complementum, atque ipsius conseruationem; at vero harum regionum essentias habemus ab illa regionum Macrocosmi, præterquam quam duplici afflatu ( illo scilicet communi, quem creator mundo ad eius complementum assignauit, & eum proprium, quem ipse homini sub nomine spiraculi vitæ inspirauit in faciem Adami ) necesse est quod particulae cuiuslibet Macrocosmi regionis homini in sua creatione attributæ concurrant ad perfectionem regionum Microcosmi. Porro etiæ eadem ratione liquet, quod infima Microcosmi regio seu aer, meteororum varieformium præsentia aggrauata atque perturbata, etiam cum aere humano communicet assidue, quippe qui aer communiter inhaustus & inspiratus tam pernares, asperam arteriam, & pores Microcosmi, se iungit cum illo in homine inclusu, & per hanc communicationem ille etiam humanus est particeps & compos naturarum, impressionum in aere magno prius generatarum, ac tum postea per eum dissipatarum, & quasi in lemnaria inclusarum: atque ut in Macrocosmo Deus influentias, omnia meteora, tam propitia quam maleuola procreantes, per portas suas lucidas impluit in mundum angelicum, & ille in mundum cœlestem, qui tandem per illum elementarem vndique disseminat: ita quidem Deus est actor in his omnibus generalis, eiusque actus est eius verbi vndiq; dispersi seu sapientiæ, seu emanationis atque emissionis lucidæ effectus. Quare etiam manifestum est, quod omnes morbi in homine procreati non aliter procedant à Deo, quam meteora illa in magno mundo: at vero quemadmodum voluntatis diuinæ effluxus prius per ordines angelorum varijs secundum variam effluxuum rationem descendunt, qui etiam tum postea in corpora ætheris stellaria eos effundunt, à quibus denique in inferiora ad meteororum atque impressionum cuiuslibet generis procreationem impluuntur, ita quidem venti quasi spiritus & angelicæ impressiones, tam occulte quam manifeste, sunt ministri Dei, qui primum agunt in aere aperto, ut tum postea variis modis & viis agant in aere humano ad voluntatem seu placitum DEI siue bonum siue malum exequendum. Hinc ergo est, quod ut in mundo maiori dictum est, *præ fulgore in conspectu eius nubes transferunt, grando, & carbones ignis, & intonuit de cœlo Dominus, & dedit altissimus vocem suam, & carbonem ignis, misit sagittas suas, & disparuit eos fulgura multiplicavit & conturbauit eos,* Et c. Psal. 17. a 9. Vbi per sagittas intelligi possunt fulgoris radii, vnde alibi dictum est, *Ibunt directe emissiones fulgurum, & tanquam bene curvato arcu nubium exterminabuntur, & ad certum locum insilient.* Sap. 5. 22. Etiam in Microcosmo tali modo mediante Microcosmi spiritu agit Deus, videlicet in cendium in eius spiritu aereo non aliter accendendo, quam in aere Macrocosmico.

Quare in hæc verba erumpit Job. *Sagittæ omnipotentis in me graues sunt, virus earum ebibit spiritum meū, & conturbationes Dei quæ acie instructæ sunt oppugnant me,* Job. 6. 4. Et alibi, *Faciet Iehoua ut adhæreat tibi pestis donec consumaris, Iehoua te percutiet tibi æstuante;* Hoc autem fit in ira Iehouæ de qua sic loquitur *Ira Iehouæ fit ut ignis consumens,* Et alibi, *igne absumet Deus improbos,* Et de hoc alibi, *Effunde æstum tuum in alias gentes.* Porro etiam lepra cadens in Miriam niui comparari potest. Sed de his in historia nostra Microcosmi Præternaturali locupletissime. Nunc autem ad ministrorum angelicorum DEI descriptionem, quorum est mandata & placita DEI perficere, saltu quidem leui descendemus.

## MEMBRI SECUNDI

### LIBER PRIMVS.

#### DE ANGELIS IN GENERE.

##### C A P. I.

*De variis intelligentiarum appellationibus, iis tam à Theosophistis, Cabalistis atque etiam Philosophis assignatis, & de ipsorum ratione.*

**T**Ametsi in Historia nostra Macrocosmica luculenter satis, licet verbis magis succinctis, de angelorum seu dæmonum tam bonorum quam malorum nominibus, naturis, locis, atque operationibus loqui sumus: tamen hoc in membro ipsorum conditiones paulo accuratius inspicere nos urget subiecti præ manibus nostris versantis necessitas. Quare dampnus hoc in loco aptus nobis præber